

MALAYSIA
DEWAN RAKYAT
ATURAN URUSAN MESYUARAT
NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 17 NOVEMBER 2014, PUKUL 10.00 PAGI

Bil. 49

PERTANYAAN-PERTANYAAN BAGI JAWAB LISAN

1. PR-1323-L63559
Datuk Noor Ehsanuddin bin Mohd Harun Narrashid [Kota Tinggi] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah mekanisme dalam memastikan harga barang basah yang bukan tertakluk barang di bawah Akta Kawalan Harga dan Anti Pencatutan tidak dinaikkan oleh peniaga sewenang-wenangnya.
2. PR-1323-L63898
Ust. Dato' Dr. Mohd. Khairuddin bin Aman Razali [Kuala Nerus] minta **MENTERI PERTANIAN DAN INDUSTRI ASAS TANI** menyatakan jumlah kapal kayu yang telah dilupuskan dan digantikan dengan kapal kaca fiber (FRP) di bawah Program Tranformasi Nelayan.
3. PR-1323-L64928
Puan Rubiah binti Haji Wang [Kota Samarahan] minta **MENTERI PENDIDIKAN** menyatakan apakah strategi Kementerian dalam membangunkan bakat pelajar dalam bidang sukan di peringkat sekolah rendah.
4. PR-1323-L64054
Dato' Johari bin Abdul [Sungai Petani] minta **MENTERI DALAM NEGERI** menyatakan :-
 - (a) adakah Kementerian mempunyai maklumat berapa jumlah rakyat Malaysia yang menyertai Kumpulan Pelampau Negara Islam Iraq dan Syria (ISIS); dan
 - (b) jika ada, berikan latar belakang mereka, negeri asal dan tahap pendidikan mereka.

5. PR-1323-L64862
Tuan Anuar bin Abd. Manap [Sekijang] minta **MENTERI PENDIDIKAN** menyatakan :-
- (a) apakah usaha yang dilakukan Kementerian bagi memperkasa subjek Sivik dan Kewarganegaraan di semua sekolah menengah dalam negara bagi memupuk semangat patriotisme berikutan baru-baru ini terdapat kes penghinaan terhadap negara akibat kurang patriotik di kalangan pelajar; dan
 - (b) adakah Kementerian bersungguh-sungguh memperkasakan semangat menyambut hari kemerdekaan di kalangan pelajar sekolah rendah hingga ke universiti.
6. PR-1323-L64264
Tuan William Leong Jee Keen [Selayang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) tindakan yang diambil untuk mengawal peningkatan Indeks Harga Pengguna (IHP); dan
 - (b) usaha Jawatankuasa Khas Menangani Kos Sara Hidup dalam mengawal harga dan keberkesanannya setakat ini.
7. PR-1323-L65259
Dr. Mansor bin Abd Rahman [Sik] minta **MENTERI KEMAJUAN LUAR BANDAR DAN WILAYAH** menyatakan adakah perancangan yang komprehensif yang akan dimajukan di kawasan luar bandar seperti Parlimen Sik bagi memudahkan penduduk di kawasan tersebut daripada segi pembangunan secara keseluruhan, kemajuan dan sebagainya, seperti cadangan-cadangan yang telah saya hantar (cadangan Pelan Induk) pembangunan Parlimen Sik kepada YAB. Perdana Menteri.
8. PR-1323-L64589
Tuan Wong Chen [Kelana Jaya] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) perkembangan terkini tentang status kajian kos faedah (cost benefit study) Perkongsian Trans Pasifik (TPPA), memandangkan kajian telah ditugaskan oleh Kementerian sejak tahun lepas dan sepatutnya disiapkan pada Disember 2013; dan
 - (b) adakah salinan dokumen akan dibekalkan kepada Kaukus Parlimen TPPA dan orang awam.
9. PR-1323-L64017
Dato Sri Dr. Muhammad Leo Michael Toyad Abdullah [Mukah] minta **MENTERI KESIHATAN** menyatakan adakah rancangan untuk menaik taraf Pusat Kesihatan Luar Bandar supaya Perkhidmatan Pegawai Perubatan dapat disediakan sekurang-nya sekali sebulan.

10. PR-1323-L63418
Tuan Wong Sze Phin @ Jimmy [Kota Kinabalu] minta **MENTERI KERJA RAYA** menyatakan apakah status pembinaan Lebuhraya Pan-Borneo terkini di Sabah. Nyatakan syarikat yang memperoleh tawaran kontrak projek tersebut dan berapa peruntukan yang akan diberikan kepada syarikat tersebut. Adakah lebuhraya ini akan diuruskan seperti Lebuhraya Utara-Selatan dan akan mengenakan tol kepada pengguna jalan tersebut.
11. PR-1323-L64360
Datuk Ahmad Jazlan bin Yaakub [Machang] minta **MENTERI DALAM NEGERI** menyatakan bilangan pondok polis yang dibina di kawasan luar bandar dan jumlah anggota yang ditempatkan di pondok-pondok yang dimaksudkan.
12. PR-1323-L63871
Dato' Ngeh Koo Ham [Beruas] minta **MENTERI DALAM NEGERI** menyatakan kenapa pihak Kerajaan tidak melanjutkan Pas Lawatan Nguyen Thi Tuyen (No. Pasport Vietnam B8507915) apabila Pejabat Imigresen Manjung, Perak mendapati beliau adalah mangsa ejen yang memalsukan lanjutan pas lawatannya. Kenapa beliau ditahan di kem tahanan Langkap dan dihantar balik ke Vietnam dan kenapa pihak imigresen tidak bertindak menangkap ejen tersebut apabila ditunjukkan oleh pengadu ejen tersebut masih menjalankan perniagaan melanjutkan pas lawatan secara salah.
13. PR-1323-L65311
Datuk Sapawi bin Ahmad Wasali [Sipitang] minta **MENTERI PEMBANGUNAN WANITA, KELUARGA DAN MASYARAKAT** menyatakan cadangan ada cadangan mewujudkan Kompleks Penyayang, yang berfungsi menempatkan semua agensinya di bawah satu bumbung, di setiap daerah atau kawasan Parlimen bagi kemudahan rakyat.
14. PR-1323-L63984
Tuan Lim Guan Eng [Bagan] minta **MENTERI PENDIDIKAN** menyatakan sebab Universiti Perubatan Johns Hopkins telah menamatkan kontrak program usahasama dengan Perdana University Graduate School of Medicine (Pugsom). Berapa kos yang telah dibelanjakan dan bilangan pelajar yang dilatih dan adakah ia berbaloi berdasarkan kos untuk setiap orang pelajar.
15. PR-1323-L63831
Tuan Haji Ahmad Nazlan bin Idris [Jerantut] minta **MENTERI PENGANGKUTAN** menyatakan adakah Kementerian berhasrat untuk mengawal jumlah lori yang mempunyai lebihan had muatan berbanding dengan had kemampuan jalan raya semasa dan jika tiada apakah tindakan yang boleh diambil untuk mengatasi masalah ini.
16. PR-1323-L64010
Tuan Jeff Ooi Chuan Aun [Jelutong] minta **MENTERI PENDIDIKAN** menyatakan bagaimana pembocoran kertas peperiksaan Sains dan kedua-dua kertas Bahasa Inggeris UPSR boleh berlaku sedangkan SOP sedia ada. Kenapa kebocoran tersebut hanya berlaku di pusat peperiksaan Sekolah Kebangsaan sahaja.

17. PR-1323-L63696
Tuan Che Mohamad Zulkifly bin Jusoh [Setiu] minta **MENTERI PENGANGKUTAN** menyatakan adakah Kementerian telah mengkaji untuk melaksanakan Caj Permit Masuk Kenderaan (VEP) bagi kenderaan yang masuk dari semua pintu sempadan negara serta bilakah ianya boleh dilaksanakan.
18. PR-1323-L63616
Dato' Kamarul Baharin bin Abbas [Telok Kemang] minta **MENTERI KESIHATAN** menyatakan setakat mana usaha-usaha Kementerian dalam menggunakan kaedah perubatan komplementari yang telah dibuktikan berkesan dalam menangani peningkatan penyakit tidak berjangkit *non-communicable diseases (NCD)* seumpama diabetes yang tidak dapat dikawal walaupun usaha-usaha menggunakan rawatan moden telah digunakan.
19. PR-1323-L64226
Tuan Haji Ahmad Lai bin Bujang [Sibuti] minta **MENTERI PELANCONGAN DAN KEBUDAYAAN** menyatakan :-
- (a) jumlah terkini kehadiran pelancong Eropah, China, Timur Tengah, Amerika, Jepun, Korea, India, Afrika dan Asia Tenggara yang berkunjung ke Sarawak sepanjang tempoh Kempen Tahun Melawat Malaysia 2014; dan
 - (b) berapakah jumlah pendapatan yang diperolehi hasil kunjungan pelancong tersebut dan adakah sasaran Tahun Melawat Malaysia 2014 dapat dicapai.
20. PR-1323-L63918
Tuan Nik Mohamad Abduh bin Nik Abdul Aziz [Pasir Mas] minta **MENTERI BELIA DAN SUKAN** menyatakan perincian perlaburan jutaan ringgit yang dilaburkan untuk meningkatkan prestasi atlet negara menghadapi Sukan Komanwel di Glasgow.
21. PR-1323-L65256
Tan Sri Datuk Seri Panglima Joseph Pairin Kitingan [Keningau] minta **MENTERI PELANCONGAN DAN KEBUDAYAAN** menyatakan memandangkan bahawa industri pelancongan amat penting untuk peningkatan ekonomi dan peluang pekerjaan seluruh negara, khususnya di negeri Sabah, apakah langkah-langkah dan program-program yang telah dirancang oleh pihak Kementerian untuk melibatkan kawasan-kawasan pedalaman di negeri Sabah, khususnya di kawasan Parlimen Keningau untuk tahun 2015 dan seterusnya supaya perkembangan dan manfaat daripada industri pelancongan akan dinikmati oleh rakyat Malaysia, khususnya di kawasan Keningau.
22. PR-1323-L65242
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan bilakah Akta Hasutan 1948 akan dimansuhkan.

23. PR-1323-L63428
Datuk Juslie bin Ajirol [Libaran] minta **PERDANA MENTERI** menyatakan usaha drastik Suruhanjaya Rasuah Malaysia (SPRM) bagi membersihkan kegiatan rasuah yang berleluasa dalam Jabatan Kastam Diraja Malaysia berikutan 12 pegawai Kastam termasuk seorang daripadanya Pengarah Kastam negeri bergelar Datuk ditahan membabitkan sindiket penyeludupan mencecah ratusan juta ringgit di Pelabuhan Klang.
24. PR-1323-L63727
Tuan Fong Kui Lun [Bukit Bintang] minta **MENTERI DALAM NEGERI** menyatakan jumlah pekerja asing dengan izin dan tanpa izin yang berada dalam negara ini sehingga September 2014 dan apakah hasil langkah pemutihan yang dijalankan selama ini dan bagaimanakah kemasukan baru.
25. PR-1323-L63505
Tuan Khoo Soo Seang [Tebrau] minta **MENTERI PEMBANGUNAN WANITA, KELUARGA DAN MASYARAKAT** menyatakan sama ada Kerajaan merancang untuk mengeluarkan Kad Warga Emas yang melayakkan para warga emas menikmati layanan istimewa atau potongan harga untuk menaiki kenderaan awam dan perkhidmatan kesihatan, insurans, membeli-belah di kedai-kedai terlibat dan sebagainya.
26. PR-1323-L63778
Raja Dato' Kamarul Bahrin Shah [Kuala Terengganu] minta **MENTERI PELANCONGAN DAN KEBUDAYAAN** menyatakan apakah usaha-usaha promosi Kementerian untuk menambahkan ketibaan pelancong di Lapangan Terbang Sultan Mahmud, Kuala Terengganu, memandangkan setelah begitu lama siapnya lapangan tersebut kegunaannya masih jauh di bawah tahap kapasitinya dan *underutilised*.
27. PR-1323-L64108
Dato' Haji Abdul Rahman bin Haji Mohamad [Lipis] minta **MENTERI DALAM NEGERI** menyatakan :-
- (a) tindakan yang telah diambil oleh pihak Kerajaan terhadap pertubuhan tidak berdaftar iaitu Pasukan Peronda Sukarela (PPS); dan
 - (b) pelan-pelan pemantauan untuk memastikan perkara ini tidak berlaku lagi.
28. PR-1323-L65033
Tuan Liew Chin Tong [Kluang] minta **MENTERI DALAM NEGERI** menyatakan penghakiman kes TWU-45SO-8/4-2013 menunjukkan Datu Ismail Kiram pernah melawat Sabah sejak tahun 2006 untuk memberi Kad Pengenalan kepada Sultan Sulu, apakah tindakan yang diambil oleh Cawangan Khas untuk menangani perkara tersebut pada masa tersebut.

29. PR-1323-L65103
Puan Mas Ermieyati binti Samsudin [Masjid Tanah] minta **MENTERI PENDIDIKAN** menyatakan :-
- (a) jumlah pelajar yang diterima masuk ke IPTA mengikut pecahan kaum dan jantina berdasarkan program yang ditawarkan; dan;
 - (b) sebab-sebab terdapat pelajar-pelajar 4.0 yang memohon bidang perubatan tidak dipanggil temu duga.
30. PR-1323-L64496
Dr. Tan Seng Giaw [Kepong] minta **MENTERI PENGANGKUTAN** menyatakan dasar penerbangan di negara kita. Apakah isu yang pokok untuk menghadapi cabaran moden.
31. PR-1323-L63379
Laksamana Pertama Mohamad Imran bin Abd Hamid (B) [Lumut] minta **MENTERI PENGANGKUTAN** menyatakan mengapa kawasan percarian MH370 masih diteruskan di Selatan Lautan Hindi dan terbukti tiada tanda-tanda penemuan dan mengapa tidak mencarinya di Lautan China Selatan yang dinyakini pesawat itu jatuh.
32. PR-1323-L64069
Dr. Che Rosli bin Che Mat [Hulu Langat] minta **PERDANA MENTERI** menyatakan status terkini program pembangunan stesen Jana Kuasa Nuklear di negara ini dan adakah telah ada kaji selidik dan analisis keputusan yang dilakukan bagi menilai tahap penerimaan rakyat terhadap perkara ini.
33. PR-1323-L64114
Dr. Ong Kian Ming [Serdang] minta **MENTERI KEWANGAN** menyatakan jika Kastam akan menyiasat apa-apa kaitan di antara pembunuhan Timbalan Pengarah Kastam, Datuk Shaharuddin Ibrahim, dan penyiasatan ke atas sindiket penyeludupan kereta yang berasal dari Langkawi dan sama ada mangsa-mangsa sindiket penyeludupan ini boleh mendapatkan pengecualian daripada duti kastam.
34. PR-1323-L64812
Tuan Gobind Singh Deo [Puchong] minta **MENTERI DALAM NEGERI** menyatakan butir-butir kes jenayah dalam 5 tahun lalu dan sama ada kes jenayah telah pun naik atau turun serta tindakan Kerajaan untuk mengurangkan kadar jenayah.
35. PR-1323-L63866
Tuan Haji Nasrudin bin Hassan [Temerloh] minta **MENTERI SUMBER MANUSIA** menyatakan :-
- (a) bilangan terkini Orang Kurang Upaya (OKU) yang berdaftar dan bilangan dalam kalangan mereka yang menyertai program latihan kemahiran yang disediakan ; dan

- (b) bidang-bidang latihan kemahiran yang disediakan dan bilangan pusat-pusat latihan awam dan swasta yang disediakan latihan tersebut.
36. PR-1323-L65077
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan sejauh mana perancangan Permodalan Nasional Berhad untuk menggabungkan I&P Group Bhd, Sime Darby Property Bhd dan SP Setia Bhd menjadi.
37. PR-1323-L64554
Tuan V. Sivakumar [Batu Gajah] minta **MENTERI PENDIDIKAN** menyatakan secara terperinci mengenai agihan peruntukan Kerajaan dari tahun 2009 hingga 2013 sebanyak RM560 juta untuk kemajuan dan pembangunan sekolah-sekolah Tamil. Adakah peruntukan ini telah digunakan sepenuhnya untuk mencapai sasaran.
38. PR-1323-L64848
Tuan R. Sivarasa [Subang] minta **MENTERI KEWANGAN** menyatakan berapakah hutang terkini yang sebenar dan faedah tahunan yang perlu ditanggung oleh 1Malaysia Development Berhad (1MDB) dan bagaimanakah negara akan menjelaskan hutang ini dan bayaran faedah telah terus berakru.
39. PR-1323-L64950
Tuan Chong Chieng Jen [Bandar Kuching] minta **MENTERI KERJA RAYA** menyatakan berapa peruntukan telah diperuntukkan dan juga dibelanjakan dalam tahun 2014 untuk penaiktarafan Pan Borneo Highway ke dual-carriageway. Berapakah akan diperuntukkan untuk tujuan tersebut dalam tahun 2015.
40. PR-1323-L65002
Dato' Hasbullah bin Osman [Gerik] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah usaha pihak Kementerian dalam mengawal petrol dan diesel bersubsidi daripada disalahgunakan oleh bukan rakyat Malaysia yang berkunjung ke negara ini membawa kenderaan sendiri bertangki besar serta kebanyakan guna plat nombor negara ini terutama di sempadan Malaysia.
41. PR-1323-L63993
Datuk Zahidi bin Zainul Abidin [Padang Besar] minta **PERDANA MENTERI** menyatakan apakah kejayaan Talent Corporation Malaysia Berhad dalam Program Promosi Kepakaran Malaysia kepada Industri Internasional di negara ini.
42. PR-1323-L65018
Dato' Seri Anwar bin Ibrahim [Permatang Pauh] minta **PERDANA MENTERI** menyatakan apakah Kerajaan bersedia untuk mengkaji semula dasar Kerajaan berkenaan pengangkutan awam, terutamanya bas awam yang beroperasi tidak mengikut jadual yang ditetapkan sekali gus menyusahkan rakyat terbanyak yang menggunakannya.

43. PR-1323-L65355
Tan Sri Dato Sri William Mawan Ikom [Saratok] minta **MENTERI PENGANGKUTAN** menyatakan penjelasan terhadap protokol 'mengawal pesawat terhempas' dan sejauh manakah MAS mematuhi protokol yang tersebut untuk tidak mendedahkan sebarang maklumat kepada umum serta mengelak keluarga mangsa daripada memperoleh maklumat salah dari sumber lain khususnya dalam insiden MH370 dan MH17.
44. PR-1323-L65371
Datuk Ikmal Hisham bin Abdul Aziz [Tanah Merah] minta **MENTERI PENGANGKUTAN** menyatakan apakah perkembangan usaha mencari pesawat MH370, negara manakah yang terlibat dan jumlah kos yang terbabit setakat ini.
45. PR-1323-L65177
Dato' Wira Mohd Johari bin Baharom [Kubang Pasu] minta **MENTERI SUMBER MANUSIA** menyatakan pelaksanaan gaji minima. Berapakah syarikat swasta atau bidang apakah yang terlibat. Apakah terdapat kekangan didalam pelaksanaan gaji minima. Apakah pihak Kementerian mempunyai mekanisme pemantauan ke atas syarikat-syarikat yang terlibat didalam pelaksanaan gaji minima tersebut.
46. PR-1323-L63928
Datuk Raime bin Unggi [Tenom] minta **MENTERI PERTAHANAN** menyatakan kesediaan Angkatan Tentera Malaysia (ATM) untuk menghantar pasukan pengaman negara ini ke Palestin bagi usaha memulihkan konflik di rantau Asia Barat.
47. PR-1323-L63724
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **PERDANA MENTERI** menyatakan adakah dasar pembangunan wilayah-wilayah dan koridor-koridor telah berjaya menepati sasaran dan memberi sinergi kepada negeri-negeri/wilayah-wilayah terlibat (khususnya Northern Corridor Implementation Authority NCIA). Nyatakan senarai-senarai utama serta contoh-contoh perlaksanaan dan perancangan pembangunan koridor-koridor ini.
48. PR-1323-L63764
Dato' Haji Mohd Zaim bin Abu Hasan [Parit] minta **MENTERI PELANCONGAN DAN KEBUDAYAAN** menyatakan inisiatif yang diambil oleh Majlis Kawal Selia Umrah dalam mengawal dan menyelia agensi-agensi yang menawarkan pakej umrah agar mengikut harga minimum yang telah ditetapkan.

ATURAN URUSAN MESYUARAT DAN USUL-USUL

1. **Menyambung Semula Pertimbangan ke atas Rang Undang-undang Perbekalan 2015 (D.R.15 /2014) dan Usul Anggaran Perbelanjaan Pembangunan 2015 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (17 November, 2014)

2. (D.R 10/2014) Rang Undang-undang Penjara (Pindaan) (No.2) 2014 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (9 Oktober, 2014)**

[Menteri Dalam Negeri]
- 3.. (D.R 19/2014) Rang Undang-undang Kewangan (No.2) 2014 **Bacaan Kali Yang Kedua**

[Menteri Kewangan]
4. (D.R 11/2014) Rang Undang-undang Tatacara Kewangan (Pindaan) 2014 “

[Menteri Kewangan]
5. (D.R 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]

6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]
7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]
8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. **Menteri Kewangan** akan mencadangkan:-

"Bahawa Dewan ini, mengikut peruntukan di bawah perenggan 10(4)(a) Akta Tatacara Kewangan 1957, membuat ketetapan bersetuju supaya menambah ke dalam jadual Kedua Akta tersebut kumpulan wang yang dikenali sebagai –

‘ Kumpulan Wang bagi Pembayaran Balik Cukai Barang dan Perkhidmatan’ “

15. **Menteri Kewangan** akan mencadangkan:-

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], membuat ketetapan bersetuju supaya Kerajaan Malaysia melalui Menteri Kewangan (Diperbadankan) membuat pelaburan dengan menukar baki pinjaman Kerajaan Malaysia sebanyak RM475.59 juta kepada Prasarana Malaysia Berhad, sebuah syarikat dimiliki sepenuhnya oleh Menteri Kewangan (Diperbadankan), kepada ekuiti dalam Prasarana Malaysia Berhad bersamaan dengan Empat Ratus Tujuh Puluh Lima Juta Lima Ratus Sembilan Puluh Ribu (475,590,000) unit saham biasa pada nilai RM1 bagi satu unit saham."

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak.

Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2014</u>	<u>RISALAT/DOKUMEN</u>	<u>TARIKH DIBENTANGKAN</u>
ST.84	Laporan Tahunan Dan Penyata Kewangan RRIM-CONSULT CORPORATION Bagi Tahun 2013.	17 November 2014
ST.102	Laporan Tahunan Dan Penyata Kewangan Lembaga Kemajuan Tanah Persekutuan (FELDA) Bagi Tahun 2013.	17 November 2014
ST.103	Laporan Tahunan dan Penyata Kewangan Lembaga Pembangunan Industri Pembinaan Malaysia (CIDB) Bagi Tahun 2013.	17 November 2014
ST.114	Laporan Tahunan Dan Penyata Kewangan Suruhanjaya Pengangkutan Awam Darat (SPAD) Bagi Tahun 2013	17 November 2014